

## KOLOSI

Mi iya Pol siya mi biye om komii Rom hir miriyyin mi siya ta yokwowa ha wɔnkikin iikamim naingwo tibmiiyim om komii Kolosi hiranim simiiramɔn. Mi siya ta yokwowa inkam nwisɔ Tikikas mi Onisimas sowiir hauugi mi yo sowa kimidiniya iikamim naingwo tibmiiyim om Kolosi hiranim simiir ini hauuu. Pol siya hinina wakaewin kam nhirim niksisaeyim ini simaka hir nwowim mi iikamim naingwo tibmiiyim simiirin sima boɔnkim hinin Krai siya Adi Komii rani mi Jisis siir inig iir kipi hainan. Mi haningɔ nuwi wi iki paekwosimim mi dimin kirie kirie nhirim ninomor kouanim wi sim inigim sim ti hainanam. Mi simiir ogmwoim wi simiiram nwoki huim mi wi simiir siyu imiir nwoki apim. Mi inkamɔn Epafra nikuwiyin ha namɔn mi Pol siirin siya ini boɔnu hikim iikamim naingwo tibmiiyim om Kolosi hiranim simiir nimbiamim. Mi ta hiriinan sairsika Pol siya ta yokwowa sair asi wɔnkikin, siya minam wɔnkikin ti niksisaeyim simiir nikwowaisiigyim mi simiirin Krai siirgisiirarar boɔnim hinin iikamim naingwo tibmiiyim om Kolosiya hiriirin siya nikropkin. Iriig.

*Yokwowa Pol siya wɔnkiya Kolosi hiran iikam imiiram saeya*

<sup>1</sup> Kara Polkin, kara Jisis Krai siir aposel inkamkin. Adi Komii krimiir Wanin siya biyar naingwokin kariiram kiwakiyamɔn aposel inkam nwowam mi siya kariirin sairar nimbingin siir

mii aair mairiyamin. Kara mi kariir nomiiyau ieya Timoti

<sup>2</sup> ta yokwowa krira win hauugika iikamim Adi Komii siirim om Kolosi warauranim kimiiram. Nomiiyau miyikim yipiki Jisis Kraiis saika nama-sukikinim, krira kririir Adi Komiiyin siiram sriigi kimiirin wi siya nwoki hauuwim naingwobumbu mi wi iripa nwoki ongwomamair aeyim. Iriig.

*Pol siya Adi Komii siir boin wadiekin. Dimusi rani, iikamim om Kolosi hiranim sima Kraiis siir yai imiir wakaeyokna apkim*

<sup>3</sup> Mi krima inokininokin Adi Komii siiram kwisboinanae mi krima Adi Komii siirin boin wadieki, ti Adi Komiiyin yipiki krimiir Biyan Inkam Komiiyin Jisis Kraiis siir Adin. Dimusi rani, wim kima siir wakaeyokna apkim. Mi ti Adi Komiiyin yo krimiir Biyan Inkam Komiiyin Jisis Kraiis siir Adgin.

<sup>4</sup> Krima Adi Komii siir boin wadieki. Dimusi rani, krira hinina wakaeko iikamim sima hinina boinkim, kima Kraiis Jisis siir yai imiiram in sibu aingwo tibmii kinim mi kima iikam nhirim yipiki Adi Komii siir yai imiir wakaeyokna apiyim simiiram in naingwokwonanaeyim mi kima simiirin in mi whinkinsiis haiginiuwim.

<sup>5</sup> Dimusi rani, wim kima ti dimin kibi kibi imiir nwokwokini yipiki Adi Komii siya diriraerarkwokinim siir om hiranim kimiiram, kimiir hauuwam. Biya iya Adi Komii siir Yai Win Kibiya kimiiram waraur nita, kima sair yaimwoki yaimwowim bidiyar sibu inomokninikinim.

6 Mi b̄idi b̄idiniyar̄in iya k̄ima t̄i dim̄in k̄ibi iir wakaeya b̄iḡib̄īi Adi Komii siya t̄ir̄in iikam kr̄imiir̄ m̄i k̄ima hir̄iiyar̄ yaingwo t̄iki yayim̄ yim̄ yai kaimwo im̄aiḡim̄ m̄i ta Adi Komii siir̄ Yai W̄in K̄ibiya k̄imiir̄ bopwo waraur̄in w̄i nae sapi budi m̄i h̄inda t̄inda t̄i nu iir̄ar̄in w̄i hir̄iiyar̄ n̄inyok̄īi irkaki m̄i iikam̄m̄ Adi Komii siir̄ yai aiir̄ wakaekii, m̄i yayia w̄i sim̄iir̄ wh̄ink̄insiin haiḡin̄īuwi.

7 Epafras̄in kr̄imiir̄ inkam̄ k̄ibiȳin, t̄i dim̄in taemin̄ h̄in̄in̄ k̄imiir̄in siya boim̄im̄auuḡim̄ siya Adi Komii siiram̄in kr̄imaka b̄i m̄iriiḡin̄ m̄i siya kr̄imiir̄in̄ in̄i hir̄iiyar̄ wh̄ink̄insiis haiḡin̄īukripkaiȳin Kraīs siir̄ yai im̄iir̄ nanaakn̄ink̄ii haiḡin̄īuwam̄.

8 Mi siya ha n̄it̄in̄ kr̄iriiram̄ m̄i siya kr̄imiir̄ in̄i boini, Adi Komii siir̄ naeȳīūin̄ sim̄iir̄in̄ siya wh̄ink̄insiis haiḡin̄īuwi iikam̄ nh̄ir̄im̄ sim̄iiram̄ naingwokwonanaeyim̄ ȳip̄ikīi Adi Komii siir̄ wakaeyokna ap̄im̄. Iriiḡ.

9 Mi iya kr̄ira t̄i dim̄in taemin̄im̄ sim̄iir̄ wakaeyim̄ m̄i kr̄ima in̄ok̄in̄ok̄in̄ Adi Komii siiram̄ar̄ sr̄inanaei iikam̄ k̄imiiram̄in̄. Kr̄ira Adi Komii siiram̄in̄ minam̄ sr̄iīi siya w̄i k̄imiir̄ n̄woki wh̄ink̄insiis haiḡin̄īuwim̄ m̄i ta hir̄iinan̄ saiirsika k̄ima w̄i han̄inḡin̄ sibgu in̄okn̄ink̄ini dim̄in taemin̄im̄ siya naingwowim̄ k̄ima wakaeyokna apam̄. Adi Komii siir̄ naeȳīūin̄ w̄i siyar̄ h̄iurworwokai haiḡin̄īuwi k̄imiir̄ kwoin̄ im̄iir̄in̄ m̄i k̄ima siir̄ dim̄in taemin̄ im̄iir̄in̄ w̄i han̄inḡin̄ sibgu in̄omokn̄ink̄ini.

10 Mi t̄i digworaekwowim̄ sim̄iir̄ n̄inomokn̄ink̄in̄ digi m̄i k̄ima t̄i dim̄in taemin̄ im̄iir̄in̄ w̄i han̄inḡī t̄iri. Mi k̄ima t̄i m̄īiyim̄ ȳip̄ikīi Adi Komii siya boin̄im̄

kɪma tɪram sɪmɪɪrɪn wa sɪbgu wakaeyokna api mɪ ta hɪrɪɪnan saɪrsɪka sɪya wɪ bɪg nasmɪrwaiya asi nwowi kɪmɪɪramɪn. Mɪ ta hɪrɪɪnan saɪrsɪka kɪma ɪkɪ mɪɪ kɪbɪ kɪbɪyɪm wɪ asi mɪrɪɪ. Mɪ kɪma Adi Komɪɪ sɪɪrɪn wɪ hanɪngɪ sɪbgu ɪnoknɪnkɪnɪ.

<sup>11</sup> Adi Komɪɪ sɪya kɪrɪe komɪɪgakɪn mɪ sɪya dɪg-woraekwo whɪekakɪm sɪmɪɪr tɪrɪm wɪ dɪgar nwowi mɪ krɪra Adi Komɪɪ sɪɪramɪn dɪmɪn mɪnam kwɪs boɪnɪ mɪ ha mɪ srɪɪ, sɪɪr kɪrɪeya sɪya wɪ kɪmɪɪr hau-uwi mɪ ɪkam kɪmɪɪrɪn wɪ saeya whɪnkɪnsɪɪsɪ mɪ maɪrgɪmaɪrga mɪ owamɪn kɪmɪɪrɪn tɪ dɪmɪn bɪyɪe bɪyɪeyɪm sɪma tɪrka wɪndɪ.

<sup>12</sup> Kɪmɪɪr kwoɪnɪm kwoɪn mɪɪyɪkɪ mɪɪyɪkɪn sasar dwo mɪ krɪmɪɪr Adi Komɪɪyɪn sɪɪr boɪn wadɪeki. Sɪya sɪyaɪrgɪn wadɪe kɪmɪɪr nwowaɪgɪnɪuwɪyɪn mɪ ta hɪrɪɪnan saɪrsɪka kɪma dɪmɪn taemɪnɪm sɪya nɪmbɪnɪm kɪmɪɪram kɪma haɪyam wɪ sɪmɪɪr asi haɪɪ. Sɪya wɪ ɪkam kɪmɪɪr hauugɪ mɪ krɪmɪɪrɪn wɪ warar mɪ ɪnkɪn hauugɪ tɪ dɪgworaekwowɪm sɪɪr omanɪm yɪpɪkɪ wadɪe paenɪ hanɪn nɪuyam mɪ dɪmɪn bɪyɪeki nwokai karamae nwowɪm.

<sup>13</sup> Mɪ ɪya krɪma Setan sɪɪr aowa nwowa, krɪmɪɪrɪn Adi Komɪɪ sɪya nanmaɪwarkainakɪm mɪ ta hɪrɪɪnan saɪrsɪka krɪma wɪ sɪɪr yɪnɪsɪmɪn yɪpɪkɪn sɪya naɪngwokwonanaeyɪn wɪ sɪɪr aowa asi nwowi.

<sup>14</sup> Adi Komɪɪ sɪɪr yɪnɪsɪmɪn krɪmɪɪr dɪmɪn bɪyɪeyɪm sɪmɪɪrsɪ naokɪn mɪ krɪmɪɪrɪn sɪya nanmaɪwarkainakɪn Setan sɪɪr aowa nwosi. Mɪ tɪ hɪrɪɪnan tɪrɪn mɪ sɪya krɪmɪɪr dɪmɪn bɪyɪe ɪmɪɪrɪn asi haɪyoprɪmɪdɪyɪumɪɪgɪkɪm. ɪrɪɪg.

*Krais sɪya Bɪyan Inkam Komɪɪgɪn mɪ sɪya dɪmɪn taemɪnɪm krɪmɪɪr whɪnkɪnsɪɪs haɪgɪnɪuwam asi tɪrɪ*

15 Mi krɪma Krai siir kigi, mi krɪma wa nwoki inoknɪnkɪnim Adi Komii siya panɪngin. Dimusi rani, Krai siya Adi Komii siir hiriinanairgin yipiki iikam krɪma kig karamae nwowiyin. Siya ini sakisair ywowin mi dimin taeminim Adi Komii siya nonkwokwowim ini siyar kigirkakin.

16 Dimin taemin whiekakim yim ini Krai siyar kigirkakim dimusi rani, dimin taeminim ninomor kouanim mi nuan ikim yim siya siyar nonkwokwoswokim. Digworaekwo whiekakim siya nonkwokwowim nhirim yim tisi krɪmar kigim mi nhirim krɪma simiir kig rani. Yim ti paekwosim mi naeyiu minim mi digworaekwo nhir ikim yim sima. Adi Komii siyar tirikikin Krai siirin ti digworaekwo whiekakim simiir tiramin mi ta hiriinan saiirsika ti digworaekwo whiekakim yipiki nu iir nwowim mi kou nwo ikim yim Krai siir inig iir asi hainanprapraskikim.

17 Biya dimin taemin ima nwowa mi yio siya ha mi okin mi siya dimin taemin whiekakim simiir asi kigirkakin simiir maeyau imiirar sibgu okripkaiyim.

18 Siya ini iikamim yipiki Adi Komii siir yai imiir wakaeyokna apiyim ini krɪmiir mwonan ywowin mi nim krɪma ini siir pɪunan ywowim. Siya siyairgin dimin taeminim Adi Komii siya tiriyim iikam krɪmiir yipiki siir yai imiir wakaeyokna apiyim simiir bwamkibwamin. Krai siirin Adi Komii siyar hidninsiin idwokin yipiki biya niki aonamin mi siyairgin bigibi ninsiin idwowin ie hirankin mi ta hiriinan saiirsika siya iki dimin taeminim simiir kigiraowan inkam asi nwokin mi nu ninomor sowiir digworaekwowim simiir

kigriraowamin inkam nwirki bi nwokin siir kouwin. Nningaki nninga kanga.

<sup>19</sup> Tiki yayim yim yaimwowaigim. Dimusi rani, Adi Komii siya ha naingwokin siir yinisimin siya siirgisiir i iirar kwirii iski.

<sup>20</sup> Dimin taeminim yipiki Adi Komii siir sau omomnan nwowim, yim siya bidi yimbingiyim ti dimin taeminim mi iikam ikim, yipiki ti nu iir nwowim mi yipiki ninomor kou mi o ikim. Mi ta hiriinan saiirsika Kraisiir nhieya yipiki paeyin hiiniya nironinkinin si naokiinaiiniya saeyar nikworipukimaigigim ti dimin biyie imiirin mi ta hiriinan saiirsika simiirin kwoin whirua asi nwowaiginugin.

<sup>21</sup> Mi biya iikam kima Adi Komii siiram bi naingwokin mi kima siir bi wakaeyokna apkim. Wim kima dimin biyie tirkim.

<sup>22</sup> Mi Kraisi siya paeyin hiiniya nironinkinin si naokin. Mi ti hiriinan siyiun Adi Komii siya kimiir asi tirikin kwoin whirua saika nwowam. Kraisi siya tiriginin iikam kimiirin iya siir piu aeya naonama saiir kirieni tirkin mi ta hiriinan saiirsika siya kimiirin asi tirikin dimin whirki kimbu karamae Adi Komii siir whwonkamidan. Mi ta hiriinan saiirsika Adi Komii siya kimiir kwoin imiirin wi ha nwoki aingwowi kimiir kwoinin wadiekim dimin biyie whirki bi kinyiskaigikim. Mi kimiirin wi dimin biyie whir inkam nwirki swoki boin huriiyu rani. Nningaka.

<sup>23</sup> Mi kima Jisis Kraisi siiram hiriyyar naingwo tibmii kinanaei mi kimiir kwoinin whwowisa nwo karam nwowi mi kimiir naingwo tibmiya kirie hiriyyar nwokripkaii dimin whirki kinyiskai

karamaeya nwowi mi kisina karamae nwowi, Adi Komii siir yinisimɛn kimiirin wi siya nikiu nami Adi Komii siir whwonkam ida hariir. Mi kima Adi Komii siir Yai Win Kibiya saiir wakaei mi kima wa nwokwokini ti dimin kibi kibi imiiramɛn yipiki Adi Komii siya nimbiniɛm kimiiram. Mi ta Yai Win Kibiya Adi Komii siir iikamɛm simiira ya ti nuɛn siirin hinda tinda bidi boinmimauu diga. Kara Polkin, an kara iriipi hariinan ta Yai Win Kibiya saiirin iikam imiir bidiyar mi boinmimauuwa. Iriig.

*Pol siya iikamɛm om Kolosi hiranɛm simiir whinkinsiis haiginugɛn*

<sup>24</sup> Kara hik kimiirsiyar mi haigi wɛndi mi kariirin ha mi igbumbugi wɛndi mi kara pi maigimaiga mi owi. Biya Jisis Krais siya kariirin hinina boinkan, kariir iikamɛm, yipiki kariir piunan nwowɛm, simiir hika ya wi kimiiram niti kimiir piu imiir kimpipisu haiginuwam. Mi iyim kara ta hariinan hik aiir haiyin, ta hika biya Jisis Krais siya haiya saiir idwo swoki inkin haigingikin digidig simiir nwokiyam. Mi ta hariinan saiirsika kara maigimaiga asi nwowi ti hik hariinanɛm simiirsi haiyim kimpipisu.

<sup>25</sup> Biya kariirin Adi Komii siya nimbingikin siir yai kibiya saiir nanaakninkii haiginuwam mi ta hariinan saiirsika, kara iikamɛm Adi Komii siir pugana saiirim simiir asi whinkinsiis haiginugim inkamɛn nwɛrni miriyyin mi iikam nhirmi whinkinsiis haiginuwiyin siir hariinan.

<sup>26</sup> Biya ta yaiya saiir yaimwokiyaimwowa ya iikamɛm simiirsi haigiprakaigim. Mi tariinanɛn Adi Komii siya ta siir yaiya saiir

yaimwokiyaimwowa ya siir iikam imiir bidi yisiimauuwim.

<sup>27</sup> Siya krimiir nisiimauuwam naingwokin yipiki siir iikamim mi krima ta yai kibikikibi imiirimin wa nwoki sibgu inokninkinim mi wi iikamim Isrel simiir piugana saiir karamaeyim wi simiir nwoki whinkinsiis haiginuwim. Mi ti yayim yipiki niki haigiprakaiyim yim ti sima Krai siya ini ini hanin kimiir kwoin imiir kwirii idwokaiyin iikamim yipiki Juda iikam tani mi ta hiriinan saiirsika, kima maingimainga asi nwokim mi wim kima iya Adi Komii siya hauuwana siir dimin miyyik miyyik imiir, simiiram nwokwokini mi siya wi kimiir hainanprapraskii.

<sup>28</sup> Mi ta hiriinan saiirsika, iikam krima iki omom omomim simiir asi nami simiirin Krai siir yai aiir boinmimauuwam. Krima simiirin hinina boin, sima dimin biyeyim simiir kwoinaw nwokaiyim simiirin digumii haimriyugig. Mi krima simiirin Krai siir yai kibi kibi imiir diisisiimauu. Mi krima ti dimin hiriinanim simiir tiri mi krima wi iikamim simiir tiri sima wakaeyokna apam Krai siir yai imiir sima tira saiir hiriinan.

<sup>29</sup> Kara ti dimin taeminim simiirin sibgu sibgu asi tiri mi ta hiriinan saiirsika sima Krai siir yai kibi kibi imiir asi sibgu wakaeyokna api. Kariir kwoinin Krai siya kiwir haigin mi kara ti dimin taemin imiir asi tirkin. Iriig.

## 2

*Kolosi kimiir iikamim sima yai bibiyeyim priiyiksasaeyim simiirin digumii haimriyugig*



1 Kara ha naingwowi wim kima ti dimin taemin imiirin ina ninokninkinim. Kara kimiiram naingwokin mi kara dimin taemin kasa bi tirkin kimiir whinkinsiis haiginiuwam iikamim om Kolosi hiranim mi iikamim om Leodisianim mi iikam nhirim yipiki biyanim mi tariinanan ikim yim kariir whwonkam iir bi kigim.

2 Kara ti dimin taeminim simiirin ta hiriinan saiirsi tirkin kimiir kwoinim wi wadie nwoki sibgu owim mi kima irni nwirnyam naingwokwonanaei mi kimiir kwoinim dimin taemin imiiramim sibgu naingwowi mi ta hiriinan saiirsi kima Adi Komii siir asi wakaeyokna apkim kima tira saiir hiriinan. Kara ha naingwowi kima Kraiis siir digworaekwowim yipiki Adi Komii siya haigiprakaiyim biya simiir ninokninkinim. Mi ti dimin taeminim Kraiis siirgisiirim yim ti dimin taeminim biya Adi Komii siya haigiprakaiyim yim sima mi tariinan yim bidi yanaakninkiiigiyim.

3 Jisis Kraiis sasaingin yaimwokiyaimwo boini bwamkibwamin dimin taemin whiekakim simiir bwamkibwam imiir.

4 Kara kimiirin ti dimin taeminim Kraiis siirim simiir boinmimauuwi mi ta hiriinan saiirsika iikamim wi kimiir kwoin imiir kiyai rani, iki simiir yai bibiyeyim priiyiksasaeyim simiir.

5 Kara kimaka mi o karamaeka windi, kara kimiiramim ina mi aingwowin. Kara ha naingwowi kima ini wadiyar nwowim mi ta saiirsika kima Jisis Kraiis siiramim nhami nhami panansi yaingwo tibmiisi. Mi ta hiriinan saiirsika, kara kimiiramim maingimarga asi nwowi. Iriig.

*Krima mi Kraiis siya krima ini kwoin whirua nwowim mi krima iki niksisaeyai bibiyeyim simiir*

*kipi wakaeyokna ap.*

<sup>6</sup> Biya Krai siiram kima naingwo tibmiiya saiir hiriinan mi tariinanin kima kwoin whirua saika dwo.

<sup>7</sup> Mi kima saika wi nwiruar nwowiskii, paemiiyim pae iir nonkworinuwiyin nu aowa op nae min kiyaiyam mi iyyin paeyinim omaka aiir nonkwowini ikim ini simiir hiriinan ywowim mi ti hiriinan sima tirim saika sima ninkiamasum, yipikin paemii iyyin paeyinan nwowin kima Krai siir yai kibiya yipiki biya krma niki boinmauwuwa saiir saiira wakaeyokna apnae mi maigimaigra Adi Komii siiram dwo. Dimusi rani, dimin taeminim siya tirkiyim kimiir simiirsika.

<sup>8</sup> Kima, kimasiyar mintaraona. Kima iikam nhirmiyam kipi kiwaki sima nitam mi kimiirin iki yai bibiyeyim kwoinki priinaingwo boiniyim, kimiir boinmimauuwam kimiir kwoin imiir kiyaiyam mi simiirin kimiir niksisaeyim. Mi ti iikam hiriinanim yim yidiwi wanwiyaemi yayim mi dimin biyie biyeyim nuan uridyu bibiyeyim simim sim boinikim. Yim sima Krai siir dimin taeminim simiir bi boinmimauuwikim.

<sup>9</sup> Kima simiir yai bibiyeyim simiir kipi wakaeyokna ap. Dimusi rani, Krai siya ini Adi Komii siir hiriinanar swoki owin mi dimin taeminim Adi Komii siirim yim ini Krai siir kwoin arar haigi okaiyim. Mi yim ti digworaekwowim yim krmiir nisimauugim hinin Adi Komii siya paningin.

<sup>10</sup> Mi ta hiriinan saiirsika, kima Jisis Krai saika namasuwi mi kima wi siir digworaekwoki naokinguguninkini mi kima wi kirieya yipiki Adi Komii siya hauwa kimiir wi saiir kirie karamae

nwo rani. Mi ti dimin taeminim ninomor kouanim mi nuan ikim dimin taeminim yipiki ti nu iirar nwowirkakim hinda tinda yim Jisis Kraisiya bidi ikworipukimaigiyim.

<sup>11</sup> Mi iikamim sima kimiir miois imiir kitiyopnir hai karamae nwowa kimiirin saeya bi mi isiimauugim wim kima Kraisiirgim. Nningaka. Kima mi Kraisiya wim kima ini piu kwiruwa iripar ywowskiyim mi wim kima dimin biyie imiirin digiumii bidi haimriyugim. Mi ta siir kima wakaeyokna apa saeyairga kimiir nisiimauuwa hinin wim kima Kraisi siir wakaeyokna apikim, kima ti siyiuin miois kitiyopnir haiiyin si bi napikim. Nningaka.

<sup>12</sup> Biya iya inkamim op baptaisyim ya tariigina ya ini Kraisi saika naonamnan ywowa mi sima kimiirin pa haingikaigii. Mi iya sima kiriirin op hiranki swoki kibokiinainiyyim mi kima ha namikwomaiyuwiyim, ya tariigina ya ini Biyan Adi Komiiyin yipiki Kraisi siir hidninsiin idwowin siir kirieya ini sair hiriinan ywowa mi siya kimiirin saikar nankin kininsiin idwokikin. Dimusi rani, kima siir yai imiiram naingwo tilmii kingim.

<sup>13</sup> Biya kima dimin biyie tirkim mi kima kimiir kwoin imiirar napkim mi ti dimin biyie hiriinanam iikam kimiirin biyie sima nwowaiginugim mi kima siyiuin. Mi iikam kimiirin Adi Komii siya kininsiin idwokin Kraisi saika mi kima kwoin win asi haigim. Dimusi rani, dimin biyie biyeyim kimiir kwoinaw nwokaiyim yim siya bidi haiyoprimdiyumiigiyim ti kamim simiir miois imiir kitiyopnir haiyim simiirin wi miois sima kitiyopnir haiya wi saeya nwowaiginu rani, Adi Komii siir

yinisim nwowamin. Nningaka. Kima Adi Komii siir yinisimin wi ta miosis kima kitiyopnir haiya wi saiirsi nwo rani. Nningaka.

14 Dimusi rani, Jisis Krais siya paeyin haiiniya nirioninkinin siir naokin mi ti yayim yipiki siyu Komii siya boinhuriyuwim kimiir, kimiir dimin biye imiirsi yim Adi Komii siya bidi haiyoprimdiyumiigiyim. Yim ti yayim, yim saika bidi yinkin aonamim.

15 Adi Komii siya bidi ikwowaisiigiyim yu bibiyeyim mi dimin taeminim kiriekakim ti nu iir nwowim ti diminin Krais siya tirin siir kirieni, paeyin haiiniya nirioninkinin si ninkin irinugiyin mi simiirin siya bidi ikwowaisiigiyin iikam imiir nsiimauuwam hinin siya kirie komiigakan mi yim sima ini nninga ywowim. Iriig.

16 Mi ti siyu komii siir yayim yipiki ha boiniyim nim krma miyik rani mi ha daonam yim bidi digiyim. Mi ta hiriinan saiirsika, inkam nwrki kimiir hidi Judami siyu komii si kima wi siir yai kipi wakaeyokna siya kimiirin uruwai siyaowai mi nae minim sim boini. Nningaka. Mi siyuin nae miniyin kima naeyin mi op min kima kwiaeyim mi iiyim piu kima mi siisiyim kima simiir kipi wakaeyokna ap mi Adi Komii siir inigin kipi mi hainan mi bwandin siir iiyim bwan winki nitanim simiir nikriyim yipiki kima hainani Adi Komii siir mi iya Judakim siiskuwakiya piu dimin taemin whir tir karamae nwowiya aka mi dimin taemin nhirim ti hiriinan nwo ikim mi sima kimiirin wi ti Juda simiir siyu komii iirsi hid rani. Nningaka.

17 Yim ti digworaekwowim yim ini aknainan ywowim yim krmiir brougae wanwiyaeyim

simiir n̄isiimauugim. Yipiki wi mhoiya n̄imbiyami yim dimin k̄ingikiin imairgim Kraisiya tiranim. Kraisiya ha nitin simiirin kimidiniya siya ini tirni mi ti dimin taeminim biyanim yim ini inig karamae ywowim.

<sup>18</sup> Kima iki iikam n̄hirim yipiki kimiir hidim simiir yai imiir kipi wakae. Dimusi rani, yim sima ti h̄iniina boinkim, wim kima Adi Komii siir bi wakae yokna apikim. Dimusi rani, wim kima Adi Komii siir paekwosim̄in siir inig iir bi hainankim. Ti h̄iriinan̄im simiir kipi wakae! Yim sima ha boinkim ti dimin taeminim nhwo sima wh̄inkigim iikam krimiirin ha ninokn̄inkinkim nim kr̄ima simiirar hainanikim. Yim sima pi n̄iksisaekim mi sima simarin h̄iniina boinkim yim sima inigak iikam tani yim sima Adi Komii siir paekwosim̄ni inig hainanikim mi ti iikam biyie biyeyim yipiki nantamyiriyiriyim yim sima simiir kwoin imiirarar napikim.

<sup>19</sup> Mi ti iikam h̄iriinan̄im yim Kraisiya saika iripa bi n̄amasugim. Kraisiya ini mwonan ywowin mi nim kr̄ima iikamim saika n̄amasuwim, nim kr̄ima ini siir piunan ywowim. Piu aiirin mwo ieyar wh̄inkinsiis haigin̄u mi k̄u mai minim mi kip ikim yim ini iripar yinkiamasuim. Mi iikamim naingwo tibmiyim yim ini piunan iripa b̄idi yinkiamasuim. Dimusi rani, simiirin Adi Komii siya hauugin siir k̄irie aiir.

*Kr̄ima naonami wi Kraisiya saikar waiyayokiyokii*

<sup>20</sup> Iikam kima, kraisiya saika b̄idi yaonamim mi kimiirin r̄irmiiya siya b̄idi yowoaigin̄ugiyin ti dimin biyie biyeyim ti nuin siir̄im simiirsi mi kima ti dimin taeminim ti iikamim nuanim sima

napam naingwowiyim simiir kipi wakaeyokna ap mi ta hiriinan saiirsika Adi Komii siya wi hinina boini simiirin sima wadiekim. Mi kima dimin taeminim iikamim nuanim sima napiyim simiir simiira dimusi wakaeyokna apkripkaii? Mi kima iikamim simiir siyiu komiiyin siir yayim simiir dimusi wakaeyokna api yipiki ha boinim,

<sup>21</sup> kima dimin sim whir kipi swoki tirsran mi dimin sim whir kipi swoki pikomyaskii sran mi simiirin kipi mi ae. Nningaka.

<sup>22</sup> Yim tiriiginim yim inkamni ara yaigim yim Adi Komii siir hiranki bi nitkim. Krimiirin nae Adi Komii siya hauugin mi krima simiirin kipi boinwaeyo. Nningaka. Krima simiirin ha dae!

<sup>23</sup> Mi ti siyiu komiiyin yio krimiir kwoin iir kiyagin krima ha nwoki aingwowim yim wadiekim mi krimiirin wi sima nwoki whinkinsiis haiginuwim paekwosim simiir inig imiir hainanam mi dimin taeminim krimiir piugi tiram naingwowiyim simiir nwoki kikitindinuwm mi krima wi krimiir piu imiir nwoki onkwobumbuninkinim mi yim ti dimin taemin hininim yim wi krimiir whinkinsiis haiginu rani, ti dimin biyie biyeyim krimiir kwoinaw nwokaiyim simiir nikwowaisiigim. Nningaka. friig.

### 3

*Adi Komii siya krimiirin Kraiis saika ninkin hidninsiin idwokin omwaiwaiyayokiyokiyim*

<sup>1</sup> Biya Kraiis siya naonama siya krimiirsi naonamkin mi siirin Adi Komii siyar swoki hidninsiin idwoki omwai waiyam. Tiriiginin

yio ti hiniŋgin iikam kɔmiirin Adi Komii siyar hidninsiin idwokikim omwai swoki waiyayokiyokiyam mi Krai saika nwowam. Mi ta hiriinan saiirsika, kimiir biyan siyuuin yio bidi digiyin mi kima dimin taeminim nuanim wi simiiram kipi naingwo mi kima dimin taeminim Adi Komii siir om hiranim simiiram daingwo simiir wakaeyokna apam, maeyauwa Krai siya nidwowiya Adi Komii siir ina iniiga sair kingiin hir mi Adi Komii kimiir Wanin siir kirieya ini siyar nonkwowa mi dimin taeminim yim ini siyar kigirkakim.

<sup>2</sup> Kima dimin taeminim Adi Komii siir om hiranim simiiram daingwo, kima dimin taeminim ti nuin siirim simiiram kipi naingwo.

<sup>3</sup> Kima dimin taeminim siir omin ninomor kou hiranim siir hir nwowim simiiram daingwo. Dimusi rani, kima dimin taemin biyie biyeyim yipiki biya kima napim simiirsi bidi yaowim mi iikam kimiirin Adi Komii siya bidi hidninsiin idwowim Krai saika mi kima saika ini nwiruwar ywowskiyim mi kima ini kwoin winkakar ywowim mi kimiir kwoin winin yio ini Adi Komii siyar kigriraowin siir naeyuni.

<sup>4</sup> Krai siya kimiirin minam tirkin krima saika iripa nwowim mi mhoiia siya wa swoki iti mi siya wi siya siyar nanaakninkinaei mi krima wi saika nwowi mi krima saika nwowi mi krima wi Adi Komii siir dimin kibi kibi imiir haii. Iriig.

*Kima kwoin win bidi haiyim mi kima dimin miyik miyik imiirarar dap*

<sup>5</sup> Wim kima yaeya kwoin win bidi haiyim mi kima kimiir kwoin imiirin sibgu sibgu kintimdinu

dimin biyie biyieyim kima naingwowyim kima tiram yipiki ti nu iir nwowiyim simiirsi. Kara ti dimin taemin hiniim sim boini. Dimin taeminim iikam kima naingwowyim kima tiram, hii priinanae priinae mi kam sima sima ninwoanwona iripa piu mi dimin biyie biyieyam kigmair mi dimin taemin biyie whiekakam naingwokwo, dimin taeminim inig hainaniyim sim haniin nwowim Adi Komii siir ig sop aiir nokwokairinam.

<sup>6</sup> Mhoiia iikamim yipiki siir yai aiir wakaeyokna ap karamae nwowim simiirin wi Adi Komii siya tioidwomaii. Dimusi rani, sima dimin biyie tirkim, ti kara boinim kimiir simiir tirkim.

<sup>7</sup> Mi biiyarin wim kima kimiir kwoin imiirar napkim mi kima dimin biyie bidiya mi tirim ti iikamim yipiki wi mhoiia Adi Komii siya tioidwomai.

<sup>8</sup> Mi tariinanin kima simiirin digiumii haimriyugig mi ti dimin taemin hiriinanin yim hindara dinangrimiigig. Irika nwirikan io whwonkam kipi nanao mi io kipi inwo anwo mi kimiir yopii adim mi iikam nhir ikim simaka kipi inkinwaomwarki boin mi kima yai bibiyie kipi boin mi dimin taemin biyie nhirim ti simiir hiriinanin simiir kipi mi tir.

<sup>9</sup> Mi dimin taeminim kima boiniyim irni nwirni kipi priiyiksasae. Dimusi rani, wim kima ti dimin biyieyim simiirin digiumii bidi haimriyugigim tiriiginim kima tirim iya kima Adi Komii siir niki wakaeyokna ap karamae nwowa saiiir.

<sup>10</sup> Dimusi rani, tariinanin kima ini inkam win



ywokiyim. Adi Komii siya kimiirin iripa bi tirkin siya kimiirin yapa yapa tirkin mi kimiir kwoinim siyar kisisaena haigiraraowi mi kima iikam miyik asi nimbiamyami mi wi Adi Komii siir hiriinan asi nwowi mi ta hiriinan saiirsika kima siir asi sibgu inokninkini kima tira saiir hiriinan.

<sup>11</sup> Ti dimin taemin miyik miyikim Adi Komii siya tirim kimiir simiirsi, yo dimin komii rani, iikamim Grikmi pugana saiirim mi Judami pugana saiir ikim mi yipiki simiir moisim mi kitiyopnir haiyim mi yipiki mi kitiyopnir hai karamae mi owim mi sima skuramar mi amka windi mi sima skuram mi am karamae mi oka windi mi sima digworaekwoki mi aokingugu nankaigi windi mi sima paeprikabar mi oka windi, yim tiriiginim yim dimin komii rani. Mi diminkidiminin inigakin yo ti si, Kraisa saairgin inigakin mi yo siya iikam yipiki siiram naingwo tibmii kaniyim ini hanin simiir kwoin imiir kwirii idwokaigin. Friig.

<sup>12</sup> Adi Komii siya kimiir bidi yimbinin siir iikam nwowam mi siya kimiiram nhami nhami naingwokwonanae rani. Mi ta hiriinan saiirsika, kima iki iikam nhirim simiiram naingwokwonanaei mi simiirin dimin miyiki miyik iirar tirhaiginu. Kima kimamar kipi naingwona hinin, kima inigak iikamkim. Mi kima kimamarin hinina daingwo, inig karamae iikamkim mi iikam nhirim simiiram kiwaki sima simiir kwoin imiirar napim ti dimin taeminim simiirsi mi wim kima ti siirsiyin hinina daingwo kimiir kwoinin yo hindara dinan itkinki mi nhirmaka kipi ninkinwaomwarkii boin simiirin

simiir siyɔu iirar kignɔnkɔn tɔrki.

<sup>13</sup> Mɔ kɔmiir inkam nwɔrɔn siya dimɔn biyɛ inkam nwɔrni tɔri mɔ yɔ tɔ hɔriinan siyɔuɔn yɔ tɔ dɔgi mɔ kɔma siir dimɔn biyɛ imiir haiyoprɔndiyɔumiigi. Mɔ kɔmiir dimɔn biyɛ biyɛyɔm yɔm Biyan Inkam Komii Jisis Kraisiya bɔdi haiyoprɔndiyɔumiigiyɔm. Mɔ ta hɔriinan saiirsika, wɔm kɔma iriipɔ hɔriinan tɔ hɔriinan siyɔu kaimwowɔn siirar timi tɔr, iki iikam nhɔrɔm kɔmaka nɔnkɔnyaeyaowiyɔm simiir dimɔn biyɛyɔm simiir timi haiyoprɔndiyɔumiigi.

<sup>14</sup> Iki dimɔn taemɔn kibi kibiyɔm simiir kouɔn ini naingwokwonanae saeyar ywowa tariigina ya ini biigibɔi saeyar ywowa. Mɔ ta naingwokwonanaeya iki digworaekwo kibi kibi nhɔrɔm simiirɔn ini saeyar kakprɔnkwowɔm. Tariigina ya ini piuwopnan ywowa, piuwopa inkamki kikogiya yuusa siya kaiya saiir kikogrɔnuwam. Mɔ tɔ dimɔn hɔriinanɔn ini nwɔrniyam naingwowiyɔn yɔ ini piuwopnan ywowa yipiki iikam imiir whɔnkɔnsiis haigɔniuwana kwɔn whɔrua sima nwowam.

<sup>15</sup> Krɔmiirɔn Kraisiya siyar tɔrkikin irika nwirika nongwomamaɔr aeyamɔn mɔ krɔma tɔ hɔriinan dimɔnim tɔ krɔmiir tɔr nwokaiyɔm simiiram kiwaki. Mɔ yɔm tɔ dimɔn taemɔn hinɔnim yɔm dimɔn whoɔmoni rani. Biya kɔmiirɔn Adi Komii siya nikɔunakɔm mɔ kɔmiir kwɔnim siya kiyagɔm mɔ ta hɔriinan saiirsika kɔma wɔ piu kwɔruwa asi nwowɔ mɔ wɔ Kraisiya siir dimɔn taemɔn imiir asi haii kɔmiir kwɔn imiir whɔnkɔnsiis haigɔniuwam iripa nongwomamaɔr aeyam. Mɔ kɔma wɔ boɔn wadieki. Dimusi rani, tɔ simiirsika.

<sup>16</sup> Mɔ Kraisiya siir yayia ini hanɔn kɔmiir mhi

kwoinawu kwirii idwokai kuni mi kimiir kigirkaki mi mhoyiya kimiirin wi sima whinkinsiis haiginuwi irni nwirni whinkinsiis haiginuwiya Adi Komii siir dimin taemin imiir yipiki kima boinmimauuwim iikam nhirmi mi kima nikim dimin taeminim simiirsi saiir hiriinan. Kima Adi Komii siir boin wadieki mwayim yokwo sam hir nwowim kima waowiyim simiir hiriinan mi mwayim kima mi waowiyim omaka Adi Komii siir inig hainaniya saiir hir simiir hiriinan mi kima mwayim kirie kimiir kwoin ima nwokripkaiyam wao.

<sup>17</sup> Mi dimin taeminim kima tiriyim mi kima boini ikim mi dimin taeminim kima tiriyim, yim Biyan Inkam Komii Jisis Kraiis siir nikrigim. Kima Adi Komii siir boin wadieki dimusi rani, dimin kibi kibiyim yipiki Kraiis siya tirim kimiir simiirsika. Iriig.

*Iikamim nonkwonam mi simiir yinisisim ikim simiir boinka*

<sup>18</sup> Mi wim kima wigim yipiki kamkak nwowim, kima dimin taeminim kimiir kam ima boiniyim simiir wakaeyokna. Tiki siyiu hiriinanin yio ini ywowin. Dimusi rani, wim kima Biyan Inkam Komii Kraiis siir yai wakaeyokna apkim.

<sup>19</sup> Mi wim kima kamim kimiir wig imiiram daingwokwonanae. Simiirin biyie kipi nwo mi dimin taeminim kima tiriyim kima simiirin yai biyie wara kipi boin.

<sup>20</sup> Mi wim kima yinisisimim wim kima kimiir yopii adim simiir yai imiirar wakaeyokna. Dimusi rani, yim ti dimin taemin hiriinanim yim Biyan

Inkam Komii Adi Komii siya big nasmirwaiya simiiram nwowi.

21 Mi wim kima adim, wim kima kimiir yinisisimim simiir hindara kipi nokwao boin mi simiir kwoin imiir kipi kiyai maigimaiga nwo karamae sima nwowam mi simiir grabaiginu karamae nwowam. Iriig.

22 Mi wim iikamim yipiki iki kamim inig komii komiigakim simiir miriirim umir min hai karamae nwowiyim, kima kamim kimiir kigriraowiyim simiir whwonkam ida ara kipi mirii iya sima kimiir kigriraowiyim inokinokin kima mi wadie imiirarar mirii. Dimusi rani, kima tiriiginim yipiki kimiir kigriraowiyim simiiraram mirii rani mi kima ha tir tani simiirin. Dimusi rani, wim kima pi boriisopi Biyan Inkam Komii siya maigimaiga kimaka nwo karam nwowim.

23 Kima iikamim simiiraramar mirii rani. Wim kima Biyan Inkam Komiiyin Jisis Kraiis siiram mirii. Mi ta hiriinan saiirsika, kima kimiir mi imiirin sibgu donkworinu miriikrikai.

24 Kima dimin miyik imiirar tir. Dimusi rani, wim kima ina ninokninkinim mhoiia omin ninomor kou hiranin Adi Komii siya kimiirin wi bimbuiwi tirwin tani biya siya nimbina siir yokwo aiiir saiir hiriinan. Mi ta hiriinan saiirsika, kima ti nu iirin miyim sibgu sibgu mirii. Dimusi rani, wim kima inokinokin Biyan Inkam Komii Jisis Kraiis siiram mirii mi ta hiriinan saiirsika sibgu sibgu asi mirii.

25 Mi iikamim yipiki dimin biyie tiriirim, mhoiia simiirin wi dimin biyie Adi Komii krimiir Wanin siya tirhaiginuwi. Dimusi rani, ti dimin taemin

imiirsika. Mi siya iikam whiekakim simiiramın ini hiriinanar mi aingwowın mi siya krimiir whiekakarın wi hiriihiriinankinar hidi. Iriig.

## 4

<sup>1</sup> Mi wım kima kamım biı nwowiyım kima ti iikamım yipiki kimiir miriıyım simiir sibgu tir. Dimusi rani, kima ina ninokninkinım kimiir Biıyan Inkam Komiiyın kimiir kigirkakiyın siya ini siir om iir nwowın mi kimiirin ini siyar kigriraowın. Iriig.

*Iikamım nhwo Adi Komii siiram kwisboiniyım simiir boınka mi ti siyu hiriinanın ti kima tirın yio ini ywowın*

<sup>2</sup> Kima Biıyan Inkam Komii Adi Komii siiramın hiriıyar kwisboınanae. Kipi digi. Mi iıya kima kwisboiniyım nhwo mi kima dimın taeminım kima boınanım simiirin sibgu sibgu daingwo omok boın mi siir boın wadieki.

<sup>3</sup> Mi iıya kima nhwo kwisboiniyım Biıyan Inkam Komii siiram kima iikamım tiranım krimiiram warar srıi siiramın minam, krimiir whinkinsiıs haiginıuwım mi nım krıma wa nwoki kiwakiyım Kraıs siir yai aıir boınmımauwamın. Mi ta hiriinan saiirsika iikamım wi simiir nwoki wakaeyoknam. An kara maeyauwa miı biyie miriıya saiir tir asi hugripkıkikaii. Dimusi rani, an kara siir yai imiir boınmımauugin.

<sup>4</sup> Kima Adi Komii siiramın minam kwisboınki kariirin wi siya nwoki whinkinsiıs haiginıuwım Kraıs siir yayıyım simiir sibgu boınmımauwım biıya kara niki boınmımauwa simiir iikam imiir

saiir hiriinan Adi Komii siya boŋkiya kariir saiir hiriinan.

<sup>5</sup> Mi dimin taeminim kima tiriyim, iikamim yipiki Adi Komii siir yai imiir wakaeyokna ap karam nwowiyim simaka, kima sibgu daingwo omok. Mi kima ii kwira hinina tiram kipi kiwaki, diminin wadie nwokaram nwowiyin siir tiram dimusi rani, kimiir iyim hoingak nwo rani.

<sup>6</sup> Mi dimin taeminim kima boŋmimauuwim simiir yim wadiekin, yim ini waim naeyim kima naeyim simiir idwo nikrɪnkɪnkiiyim ini simiir hiriinan ywowim. Mi hiriinanki nuwi, ti dimin taeminim iikam ima srii kimiir mi kima wa sibgu inoknɪnkɪn boŋkii simiirin. Iriig.

### *Pol siya Tikikas Onisimas sowiir nikropkiko*

<sup>7</sup> Kara Tikikas siirin kimiiram minam nikropकिन siya dimin taeminim kara tirim wi kimiir nwoki boŋmauwim. Siya krɪmiir nomiiyau kibikin yipiki kara naingwokwonanaeyin. Siya inkam wadiekin mi kariir dimin taemin siya whɪnkɪnsiis haiginugɪn mi siya mi kara krɪmiir Biyan Inkam Komii siir mi aiirin krɪrar miriigo.

<sup>8</sup> Kara siir bidi yikropkiyin kimiiram mi ti dimin taeminim wi siya boŋmimauuwi kimiirin. Mi siya kimiirin wi min boŋmimauuwi dimin taeminim krɪma tirim simiir mi ta hiriinan saiirsika kimiirin wi maingimaing siya nwowaiginuwi.

<sup>9</sup> Mi kara Onisimas siirin saika bidi yɪnkin ikropkiyin kimiiram waraur. Onisimas siya krɪmiir nomiiyau kibigin mi siya kimiir inkam nwɪrkin. Mi iya sowa nɪmbinii mi dimin taemin

whiekakim krimiir tir nimbimbiiyamim wi sowa nini boinmimauuni. friig.

10 Aristakas, yipiki ti kanaka tir ninkin hugripkiikikaiyin maeyaua mi biyie miriia sair, siya mi Mak siya sowa kimiir nokboinmamaigiko. Kima ina ninokninkinim Makin yo Banabasni nomiiyaugin mi biya kara kimiirin ti hinna boinmauugin siya niti kima siirin wi sibgu kigrirao.

11 Josua yipiki siir inig whirin ha dapiyin Jastas, yo kimiir mi okboinmamaigikin. Kamim nwoimginwoimuwaigim Juda simiir piugana sairim yipiki Kraiis siir yai aiir sibgu wakaeyokna apiyim mi kariirin sima whinkinsiis haiginugin Adi Komii siir dimin taemin imiir tiramin mi kariirin maigimaigra sima nwowaiginugin.

12 Epafrasim yo kimiir mi okboinmamaigikin. Yo siya om Kolosiyan inkamkin mi siya Kraiis Jisis siir mi aiir miriigin. Mi inokinokin siya Adi Komii siiramar kwisboinanaeikin kimiir kirie haiginuwam. Mi kimiir kwoinim wi kirie nwoki owim ti dimin taeminim Adi Komii siirim simiiram mi ta hiriinan sairsika wi haningi sibgu inokninkini dimin taeminim Adi Komii siya naingwowim kima wakaeyokna apam.

13 Kara ti dimin taeminim simiirin ina sibgu inokninkinin mi kara simiirin pa boinmauugi kimiirin. Siya iikam kimiiramim nhami nhami bi mirinanaeikin mi iriipi hiriinan iikamim Leodisia hiranim mi Hirapolisan ikim.

14 Mi Lukin krimiir paowai min udi inkam kibiyin mi Dimas siya, sowa kimiir nokboinmamaigiko.

15 Mi kara nokboinmamaɔrgini hanɔnaka wi kɔma nokboinmamaɔrgi iikam imiirin yipiki nomi-iyauim om Leodisia hiranim simiiramɔn. Sɔma mi Nimpa saeya mi iikamim yipiki saiir omaka hir haingiriyɔu owim Adi Komii siir inig iir hainanim simiir warar nokboinmamaɔrgi.

16 Mi ta yokwowa maeyaua ti yai ima nwowa kɔma simiir mwain dignaowidi mi kɔma simiirin wi iikamim Adi Komii siirim om Leodisia hiranim wi simiiram hauugi mi yim wi sɔma mi mwainim. Mi ta yokwowa kara hauugiya simiiram mi ya wi kimiiram swoki hauugii mi kɔma wi kimiir om hir nikini mwainiuwim.

17 Mi kɔma Akipas siirin hinina boin, siya miɔiya Biyan Inkam Komii siya boinkiya siir siya miriɔyam siya saiir mirii mi siya saiirin hariiyar digig.

18 Kara Polkin, tiki yayim yim kariir ɔngar nonkwowinkikin, ti kimiir nokboinmamaɔrgiyim. Kɔma simiirin kipi naingwo owouu, an kara ini maeyaua miɔi biyie miriɔya ini saiir tirar niki hɔugripkiikikaiyin. Kara hinina naingwowi Adi Komii kɔmiir Wanin siir naingwobumbuwa wi kimakar nwowi. Iriig.



**Yai Win Kibiya**  
**The New Testament in the Sepik Iwam Language of**  
**Papua New Guinea**  
**Nupela Testamen long tokples Sepik Iwam long**  
**Niugini**

copyright © 1989 Wycliffe Bible Translators, Inc.

Language: Sepik Iwam (Iwam, Sepik)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

---

PDF generated using Haiola and XeLaTeX on 18 Apr 2025 from source files dated 31 Aug 2023

5350dc83-93b2-5000-9c98-dcdb728ba84f